

隨

園

詩

話

隨園詩話卷九

倉山居士著

白下布衣朱草衣少時有破樓僧打夕陽鐘之句因之
得名晚年無子卒後葬清涼山余爲書清故詩人朱草
衣先生之墓勒石墳前余宰溧木蒙見贈云登爲花縣
一江分來往惟攜兩袖雲待客酒從朝起設告天香每
夜來焚自斲龍尾非名士背把猪肝累使君却喜循良
人說遍墳渠塞巷盡傳聞郊外云亂鴉多在野深樹不
藏村與客夜集云羈身同海國歸夢各家鄉大觀亭云
長江圍地白老樹隔朝青晚行云土人防虎門書字水

屋父魚樹有燈贈某侍御云朝罷官袍多質庫時清諫
紙盡紗書

隨園地曠多樹木夜中鳥啼甚異家人多怖之予讀王
荊亭進士平溝早發云怪禽聲類鬼暗樹影疑人先得
我心矣其他佳句如星高出樹殘月細流溪月斜人
影忽在水風過秋聲正滿山滿帽黃花逢醉客一肩紅
葉識歸樵皆妙

湖州潘進士立亭名汝晟詩宗韓杜五古尤佳偶成云
靜士難爲介靜女難爲媒嫁容靜女醜交面靜士羞盛
年易晚晚獨抱無驛郵桃李非我春蒲柳非我秋鶴老

心萬里鵬怒翼九州未免笑樊援豈屑伍喧啾揆春浦
草句摘荆骨吟味非無蘭若玩風騷肯已謔詩濤與詩
骨韓孟兩嵯峨昆體逮鐵體滔滔同一波金天削秀華
碧海鳴神巖叢色少姊佚吉詞無淫頽衰中南風手請
爲南風歌翠髮發古響羯鼓如子何潘宰直隸其縣以
迂緩故幾被劾去適傳出勇公平金川歸潘獻饒歌公
大誇賞乃改爲阜騰

鮑進士之鍾字雅堂詩人步江之子詩有父風而清逸
處往往突過前人秋雨乍晴云箬帽芒鞋準備秋稍晴
便擬看山遊江湖入郭無三里溪水到門容一舟亭午

白雲開野徑夕陽黃葉下僧樓閒身自笑如閒鶴欲度
前峯却又休五言如一鳥掠溪鏡四山明畫簾魚跳重
湖黑蒲喧急雨來七言如道心靜似山藏玉書味清于
水養魚翻書細檢遺忘事撥火閒尋未過香岸柳帶鴉
明遠照塔鈴和月語清宵皆可愛也雅道常言作七古
詩雅不喜一韻到底余深然其言顧寧人云詩轉韻方
活三百篇無不轉韻

秦中詩人楊子安鸞昆訪適余外出歸後見貽一冊雪
霽云寒瘦自性情苦吟工未能晚晴窗上日先曠硯池
冰聞砧云滿院皆痕合重門樹影深

余宰江寧時所賞識諸生秦澗泉龔雲若涂長卿俱登
科第而流落不偶者惟車靜研與沈瘦岑沈工古文不
爲詩車詩有可存者河南道中云三月春陽淡不濃老
冰如石激寒風塞驢覓路人家遠口暮山鉤虎眼紅農
家云築場如鏡草堆山遶屋黃花映碧澗閒倚茅簷看
客過南人北去北人南

寶應王孟亭太守爲樓村先生之孫丁卯見訪江寧攜
胡牀坐門外俟主人請見乃已遂相得甚懽聘修江寧
志書朝夕過從嘗言樓村先生教人作詩以三山爲師
一香山一義山一遺山也有從子嵩高字少林少年偶

儻論詩不服乃伯而服隨園大梁懷古云搖落偏驚旅
客魂秋風回首眺中原三花樹色開神岳萬星河聲下
孟門形勝鬱盤終古在英雄慷慨幾人存信陵策士俱

黃士獨有侯生解報恩

太守諱箴輿

揚州張哲士與蔣秋涇交好蔣尤自負作遊山一首程
魚門夸爲小謝勃然怒曰分明大謝何小之有留別哲
士云竟挂秋帆決計行關心天末倚閭情便歸只好留
三月浪跡無端已半生人世乘除蒼狗幻名山期許白
頭成殷勤相屬還相慰愁聽西風雁一聲哲士寄懷云
繇友心空切寧親去敢遲纔爲三夕別已見百回思避

日簾仍下追涼榻未移不知江上路秋暑可曾衰哲士
咏胭脂云南朝有井君王入北地無山婦女愁以此得
名人呼張胭脂

中州李竹門過隨園見贈云園在六朝山色裡一筇先
要間高臺碧梧葉響秋將至紅藕花香客正來其詩頗
清惜年甫三十而卒余愛其咏鞭云一事思量轉惆悵
不能行到祖生先郊外云山勢趁潮多北向人心如雁
只南飛

蕪湖施長春曼郎少年有衛叔寶之稱余宰江寧時秦
澗泉屢爲致意云將渡江求見已而病亡有土塚歌云

白楊樹城東路野草萋萋葬人處挈榼提壺出郭行可
憐今日又清明富家塚高高傍嶺貧家塚低低亞畛塚
中貧富人不同一樣酒澆不能飲暝烟慘淡日西斜挈
榼提壺還返家一線陰風旋不定紙錢飛上棠梨花
吳門顧星橋進士詩才清冠等夷家有月滿樓藏書萬
卷海內知名之士無不交投編紵予目爲今之鄭當時
龍潭一律云微風緩緩送江聲最好龍潭道上行碧樹
數叢堪作障青山一半不知名閒情轉向塵中得幽景
偏宜客裏生脫覓茅齋投一宿花前試看酒旗輕進士
名宗泰

姚申甫方伯與沈永之觀察本中表親姚姊嫁沈二人
年少時與余同肄業書院每見方伯家遺僮擔盆供其
子壻二人同登鄉會科沈寄姚詩云辛勤二老訓喃喃
愛壻猶如愛長男甘脆每教常健飯苦吟猶記許分甘
沈殿試二甲第三姚二甲第二自後官壻沈必差姚一
級姚爲觀察沈爲太守沈爲觀察則姚爲方伯矣沈又
寄詩云平生每好姑人後今日還應讓弟先余將赴廣
西金撫軍之聘姚賦詩相留曰就使將軍重揖客何如
南國有詞人後四十年姚竟巡撫廣西余寄書云不料
當日所謂將軍卽此時之閣下惜我不能來作揖客耳

永之在書院寄內詩云深院蝶嬌無語坐小園花嫩卷
簾看為掌教楊文叔先生所賞

余在都時永之引見滿洲學士春臺春自云年三十時
目不識丁從一禪師靜坐三月頗以為苦一夕提刀欲
殺禪師仰頭見月忽然有悟賦詩便工塞外云野水吞
人面青山甕馬聲浮雲連帽起殘雪帶鞭行殊雄偉公
愛永之與枚以為兩少年必貴每至必留飲留宿遣妾

捧觴

桐城相公七十生辰余與諸翰林祝壽宴罷各賜詩扇
一柄詩寫田園雜興云不識風塵勞擾但知雲水盤桓

買奔偶來城市祀神一著衣冠小橋流水村近疎柳長
堤路斜車馬不聞叩戶鷄豚自識還家烟生茅屋雲白
雨過菱塘水新今歲秋田大稔稻苗高過行人竹屋正
臨流水槿籬曲繞閒亭此是吾廬本色被人偷作丹青
作苦最憐田婦布衣椎髻無華餽餉並攜稚子采桑不
摘閒花公終身富貴而詩能淡雅若此

嚴公瑞龍作湖北布政使續漢上題襟集招諸詩人唱
和亦公卿雅事也傅辰三感春云恰恰春分二月半分
春妙手愛東君但愁過却花朝後一日春容減一分月
落參橫夜向晨半醵花意欲留人夜闌莫怯風吹袂爲

愛梅花不惜身大雨戲作云雨師一夕與淋漓筆尖亂
點西窗紙初猶落落蝌蚪分繼則盈盈垂露似須臾漫
漉一片濕直似秦碑沒字體殊有東坡風趣沉樹德落
花云飛燕蹴歸簾影裡遊魚吹起浪花中葉聲木送人
云吹酒涼風穿樹過破烟水月隔樓生

康熙壬寅余七歲受業於史玉瓚先生雍正丁未同入
學先生不甚作詩而得句殊雋偶成云好鳥鳴隨意幽
花落自然病中云廿年辛苦黔婁婦半世酸辛伯道兒
終無子余爲葬于葛嶺

沈歸愚尙書晚年雙上知遇之隆從古詩人所未有

作秀才時七夕悼亡云但有生離無死別果然天上勝
人間落第咏昭君云無金贈延壽妾自誤平生深婉有
味皆集中最出色詩六十七歲與余同入詞林紀恩
詩云許隨香案稱仙吏望見紅雲識聖人

與余同薦鴻詞者有戶部主事尙庭楓號茶洋陝西人
爲人詭誕不羈忽而結駟連騎忽而布衣藍襖賦詩有
奇氣如落花平地二尺厚芳草如天萬里青月華照樹
有烏鵲雲氣上天如白羊皆警句也

余愛誦金壽門故人笑比庭中樹一日秋風一日疎之
句杭堇浦先生曰此句本唐人高蟾君恩秋後葉一日

一回疎不足爲壽門奇壽門佳句如佛烟聚處都成塔
林雨吹來半雜花咏苔云細雨偏三月無人又一年乃
真獨造余按古人佳句都有所本陳元孝池花對影落
沙鳥帶聲飛本李羣玉沙鳥帶聲飛遠天梁藥亭龍虎
片雲終王漢詩書餘火竟燒素做唐人半夜素靈先哭
楚一星遺火下燒素楊誠齋不知落得幾多雪作盡北
風無限聲做唐人流到前溪無一語在山作得許多聲
閨秀李金娥咏路上柳云折取一枝城裏去教人知道
是春深湖州高氏小女有一聯云也知春色歸人早鄰
女叙邊有杏花

相傳江寧南城外瑞相院後叢竹中爲馬湘蘭墓望江
魯雁門題詩云葉飄難禁往來風未肯輸懷向狡童畫
到蘭心留素素死依僧院示空空知音卓女情雖切薄
倖王郎信未終一點憐才真意在青青竹節夕陽中絕
世英雄寄女糝荆家曾說十三娘年來文士動相擠始
識伊人不可忘零露似熏香豈蕙百花想見繡衣裳平
生除拜要離塚到此才焚一瓣香嚴侍讀冬友曰瑞相
院前之墓少時亦誤以爲湘蘭後往訪之見題碣云新
安貞女某氏之墓碑陰載爲某商人之妾商人不歸守
貞而死以爲湘蘭有玷逝者矣陳楚筠製錦曾效長吉

體爲詩証明其事云古釵耿耿蝕黃土千歲老蟾嘯秋
雨蒼茫落日掩平坡風入黃蒿作人語新安山高江水
遙卷菴原不生倡條貞魂夜號月光曉兒童莫賦西陵
草

余過京口丹徒率徐天球字天石貴州人見示詩集一
別之後遂永訣矣余愛其風箏一絕云誰向天邊認塞
鴻但憑一紙可騰空任他風信東西轉百丈游絲在掌

中

沈光祿子大許明府子遜二人齊名沈如竹光晨露涓
池靜夜泉生許如鐘聲涼引月江氣夕沉山真少陵也

行役絕句有相同者沈云惟有夢魂吹不斷月明猶自
逆風歸許云明月有情應識我年年相見在他鄉子遜
先生與余爲忘年交論詩尊唐黜宋失之太拘有某少
年故意抄宋詩之有聲調者試之先生誤以爲唐少年
大笑余贈云前生合是唐宮女不唱開元以稷詩

松江王太守名祖夷與乃祖文恭公同日生故號生同
丁未進士終身以不入詞館爲恨兩子皆入翰林而先
生不樂也與彭芝庭尙書同出尹文端公門下有納涼
聞笛云碧空如水淨無雲斗轉參橫夜欲分長笛不知
何處起好風偏送此間聞江梅片片傷春暮岸柳絲絲

緜夕矐曲罷無端倍惆悵階前涼露濕紛紛亦同余召
試友也

學人之詩吾鄉除諸襄七汪韓門二公而外有翟進士
諱灝字晴江者咏烟草五十韻警句云藉艾頻敲石圍
灰尙撥爐乍疑伶素籥復效雁銜蘆墨飲三升盡烟騰
一縷孤似矛驚發如筆見花敷苦口成忠介焚心異
鬱紆穠驚苓草亂醉擬碧筍呼吻燥寧嫌渴唇津漸得
腴清禪參鼻觀沆漑潤隴胡釘訝吞刀並寒能舉口驅
餐霞方孰秘厭火國非誣繞髻霧徐結盪胸雲爇鋪舍
來思渺渺策去步于于典雅出色在韓慕盧先生烟草

詩之上又薄暮驟雨云黑雲齧齧西南來狂飈挾勢驚
奔雷夕陽倉卒收不及劃住半壁青天開句殊奇險

余自幼聞姨母章氏嫁非其偶時誦巧妻常伴拙夫眠
之句不知何人所作後閱謝在杭集方知故是謝詩其
詞曰痴漢偏騎駿馬走巧妻常伴拙夫眠世間多少不
平事不會作天莫作天

從弟鳳儀旅店云迎面有山皆客路問心無日不家鄉
呂柏岩有句云天果有遲行易盡家雖無路夢常通

余知江寧時和尹公通字韻云身如雨露村村到心似
玲瓏面面通史文靖公聞之笑曰畫出一個尹元長

長沙太守陳焱陝西人與余在蘇州花宴甚歡口號云
此地若教行樂死他生應不帶愁來未二年竟卒然他
生無愁亦可知矣

某公子感溺狹斜幾於得疾其父將笞之公子獻詩云
自憐病體輕於葉扶上金鞍馬不知父爲癘威所馘者
亦有句云朝朝梳洗臨江水一路芙蓉不敢開又曰世
間未有無情物蠟燭能痴酒亦酸

方敏恪公六十一歲生兒當八月十四日賦得子詩云
與翁同甲子添汝作中秋

余酒席歌場乘人鬪捷之作多不載集中乙未二月避

生日於蘇州有舊識女校書任氏以扇索詩余題云隔
年相見倍關情樓上金燈樓下箏難得相逢好時節再
遲三日是清明小市長陵路狹斜當簷一樹碧桃花果
然六十非虛度半醉天台玉女家校書喜次日引余見
其第四妹妹亦持扇索詩余題云玉立長身窈窕相
逢從此惹相思雲翹更比雲英弱知是瑤臺第四枝若
非月姊通消息爭得元霜見少君一樣珍珠兩行字替
他題上藕絲裙嗣後任家姊妹逢能女之客必歌此四
章不落一字亦慧人也余初意廢六句欲倣康對山集
名妓百人唱百年歌而不料稱觴之日僅得五人御史

蔣用菴同席後將往杭州留詩見贈云喜是尋芳到未
遲唐昌觀真正花時芝蘭九畹春如許却讓芝房第一

枝

謂芝仙
校書

風月東南屬注盟買花親自載花行未知桃

葉曾迎否先占揚州小杜名壽域歡場不易全介眉見

說有初筵分明一樣稱觴酒纖手扶來便欲仙館娃回

首夢虛無又掛風帆西子湖不識玉釵羅袖畔可曾閒

憶到狂夫余後四年再過蘇州任氏妙名翠筠者持舊

扇相示紙已破矣猶裝裏護持為余唱曲余感共情再

題二絕云四年前贈扇頭詩多謝佳人好護持不是文

君才絕世相如琴曲有誰

為儂重唱玉壘玲嚙嚙

聲繞畫屏一曲歌終人一世那堪頭白客中聽

蘇州太守孔南溪風骨冷峭權貴不敢以情干青樓金
蓋仙以事挂法一時交好無能為之道地乃遣人至白
下求余關說余與金甚疎僅半面耳竊念書中語倘不
佯爲親狎轉生孔之疑乃寄札云僕老矣三生杜牧萬
念俱空只花月因緣猶有狂奴故態今春到治下欲爲
尋春之舉而吳宮花草半屬虛名接席銜杯了無當意
惟女校書金某含睇宜笑故是矯矯於庸中遂同探梅
鄧尉而別刻下接蕭娘一紙道爲他事牽引就鞵黃堂
將有月缺花殘之恨其一切顛末自有令甲憑公以惠

文冠彈治之非僕所敢與聞只念此小妮子蕉葉有心
雖知捲雨而楊枝無力祇好隨風偶茵溷之悞投遂窮
民而無告似乎君家宣聖復生亦當在少者懷之之例
而必不以杖叩其脛也且此輩南迎北送何路不通何
不聽請於有力者之家而必遠求數千里外之空山一
叟可想見夫子之門牆壁立萬仞而非僕不足以替花
請命耶元微之詩云寄與東風好擡舉夜來曾有鳳凰
棲斂爲明公誦之孔得札後覆云鳳鳥曾棲之樹托擡
舉于東風惟有當作召公之甘棠勿剪勿伐而已二札
風傳一時未二年余又往蘇州過京口已解纜矣丹徒

徐令挽舟相留道妓戴三與太守淮樹章公司闈者狎
章知之逐閭人而不罪戴戴往城隍廟焚香還願一廟
謹然章怒其張揚嚴檄拘訊將使荷校以徇徐婉求不
聽乞余解圍余召見戴三則霧鬢風鬢春秋老矣然馬
骨千金不可以不援手也草札與太守云昔錢穆父刺
常州冥客將管一妓妓哀請錢云得座上歐陽永叔一
詞故當貸汝歐公爲賦一闕遂釋之僕雖非永叔而公
則今之穆父也請爲二章以當小調詞曰東風吹散野
鴛鴦私薰神前一瓣香爲祝長官千萬福緣何翻惱長
官腸樊川行矣一帆斜那有情留子夜家只問千秋賢

太守可曾幾個所挑花交書徐公卽挂帆還白下終不
得消息心殊惓惓半月後章寄函來開看只七字曰桃
花依舊笑東風

漢陽戴喻讓詩有奇氣出吾鄉陳星齋先生門下有臨
漳曲云暮雲深霸橋逝水天橫歌臺廢玉龍金鳳已千
年古瓦還鐫銅雀字賣屨分香兒女情讀書射獵英雄
氣如何橫槊對東風老年想作喬家壻末二句老瞞在
九泉亦當笑倒又咏雪云未添庾嶺三分白預借章臺
一月花

邵子湘作韻畧以江陽爲必不可通余讀史記龜策傳

韓昌黎此日足可惜及李翱祭韓公諸篇江陽皆通猶以爲彼固合東青庚而通之甚廣未足據也及讀岑嘉州陪狄員外早秋登府西樓一篇云常愛張儀樓西山正相當車馬隘百井里閉盤三江此短篇五古也唐人用韻甚嚴何濫通乃爾因而廣考之方知子湘之陋尙書論道經邦燮理陰陽載記無服之喪以畜萬邦此六經通江陽之証也孔雀東南飛云東家第三郎窈窕世無雙樊毅西嶽碑云其德休明則有禎祥荒淫臊穢篤災必降柳敏碑云山陵元室建斯邦兮不飭不測隕履霜兮三國志楊戲蜀君臣贊云保據河江家破軍亡晉

語云二陸三張中興過江宋書大社之祝曰地德普施
忠存無疆乃建大社以保萬邦漢紫玉歌云一日失雄
三年感傷雖有衆鳥不爲匹雙荷最正德舞歌云煥炳
其章光乎萬邦庾信柳遐墓銘云起茲禮數峻此戎章
長離宛宛刷羽凌江吳越春秋河梁歌云諸侯怖懼皆
恐惶聲傳海內威遠邦呂溫昭陵功臣贊云經綸八方
晏海澄江李翰裴晏射虎贊云弧矢之說以威四方羣
虎旣夷狄人來降此漢唐樂府通江陽之証也至宋諸
大家尤不勝屈指

余作駢體文押曹丕丕字爲上聲爲人所噴不知丕與

不通又與負背通不止攀悲切也書曰是有丕子之責
于天史記作負字索隱引鄭氏曰丕讀爲負石經尚書
亦作負子惟今之韻書摺撫淺漏未經收拾沈存中笑
香山押餽殍爲夫又笑杜牧之杜秋詩厭飫不能飴誤
飴糲之飴作飲噉用不知杜牧之用飴字本東漢童謠
飴我大豆烹芋魁又晉盛彥傳婢使齎糲炙飴之香山
之押殍作平聲本唐韻敷字下收殍作撫俱切猶之今
平韻不收糾字而稽康琴賦亦竟作平聲押也

玉臺新咏實國風之正宗然有不可學者如湘東王春
日一句用兩新字鮑泉沈約有詩八首以五言一首爲

題如秋衰悲落桐之類反覆千言殊覺可憎爲唐人試
帖賦得題所自仿也

人無酒德而貪杯勺最爲可憎有某太守在隨園賞海
棠醉後竟弛下衣溲於庭中余次日寄詩戲之云客是
當年夷射姑不教虎子挈花奴但驚羸者此陽也誰令
軍中有布乎頭禿公然憤似屋心長空有腹如瓠平生
雅抱時苗癖日縛衣冠射酒徒

年家子龔友青年好學來誦其曰門小住云秋生黃葉
聲中兩人在清溪水上樓余爲嘆賞臨別忽向余正色
云友不好名先生切勿以友詩告人余雅不喜曰此予

矜情作態局面太小已而竟不永年

余哭鄂制府虛亭死節詩云男兒欲報君恩重死到沙
場是善終乙酉 天子南巡備文忠公向莊滋園新參
誦此二句曰我不料袁某才人竟有此心胆聞係公同
年我欲見之希轉告之余雖不能往謁而心中知己之
感惻惻不忘第念平生詩頗多公何以獨愛此二句後
公往緬甸受瘴得病歸薨方知一時感觸未嘗非識云
鄂公拈香清涼山過隨園門外指示人曰風景殊佳恐
此中人必爲山林所誤有告余者余不解所謂後見宋
人題呂仙一絕曰覓官千里赴神京得遇鍾離蓋便傾

未必無心唐社稷金丹一粒誤先生方悟鄂公誤字之意

宋劉子儀爲夏英公先得樞密乃咏埃子詩曰空呈厚貌臨官道更有人從捷徑過 木朝朱草衣咏雪云正愁前路迷樵徑先有人行路一條陳古漁看桃花云回頭莫羨人行處曾向行人行處來

同年李竹溪棠性誠慤而詩獨清超感懷云罷官便有閒人集才老旋生後輩嫌得家書云急開翻惱緘封密則誦頻教句讀差其子燧年十歲時余命屬對水仙花渠應幹曰羅漢松平仄雖不協而意境極佳遂大奇之

歸河間後見懷云韋司風味陶潛節野鶴閒雲伴此身
四海聲名雙管筆六朝花柳一家春鬢曾每向詩中見
函丈徧從夢裏親此日著書深幾許瓣香心事屬何人
末二句其自命亦不凡矣

杭州張有虔先生年九十三 皇上欽賜舉人余自幼
蒙提攜故求其詩不得得其子名濟川號南阜生者微
雨云無聲著林木有色引莓苔欲雪云風號平野急雲
重暮山連

有人誦常州汪玉珩咏淚佳句云江干斑竹牆陰草亞
內紅冰鏡裏潮余以爲不如其第一首云商女含愁歌

一曲楚妃無語過三年更覺耐想又偶賦云高閣對層
巒屋角烟蘿接山雨欲來時蕭蕭下黃葉

胡稚威云詩有來得去得存得之分來得者不筆便有
也去得者平正穩妥也存得者新鮮出色也

劉霞裳與余論詩曰天分高之人其心必虛肯受人譏
彈余謂非獨詩也鐘鼓虛故受考笙竽虛故成音試看
諸葛武侯之集思廣益勤求啟誨此老是何等天分孔
子入太廟每事問顏子以能問于不能以多問于寡非
謙也天分高故心虛也

梁文莊公之兄啟心字守存入翰林後卽乞歸養其子

山舟侍講亦早乞病使其弟敦書仕於朝一門家風如此守存除夕約同人遊吳山不果乃寄詩云何堪歲盡復遷延夙約都爲俗事牽多謝分吟留一席不妨屬和待明年空山響答千門爆落日寒迷萬瓦烟想見諸公高會處下方人指地行仙除夕云舊賜官袍聊一著新頒春帖懶重書晚過山菴云清依古佛原無夢老笑秋蟲尚有絲山川性不近婦人不宴客亦不赴人之宴惟余還杭州則具華饌一主一賓相對而已故余寄懷云一飯矜嚴常選客半生孤冷不宜花山舟有反遊仙云漫說長生有秘傳餐芝絕粒幾經年登仙直是尋常事

鷄犬由來亦上天瑤林瓊樹生來有玉宇雲樓望裏深
上界不聞阿堵貴道人偏要煉黃金曾侍朝正三殿來
造瞻旌節下蓬萊如何一片飛鳧影也被人間網得回
賺他劉阮是何人畢竟迷樓莫當真我是天台狂道士
桃花多處急抽身擾擾蜉蝣奈若何付留尺宅竟跼跼
自從偷吃嵇康髓只覺胸中塊壘多

尹望山相公四督江南諸公子隨任未久多仕于朝惟
似村以秀才故不當差常侍膝下詩才清絕余駢體序
中已備言之猶記其訂余往過亦清談相訂菊花期正
忽幽懷入夢時空谷傳書鴻屢至閒庭掃徑僕先知關

心尚憶他鄉客

時以詩寄三兄

因病翻添數首詩聞道芒鞋將

我過倚闌只恨月圓遲絢春園云莫喚池邊貪睡犬隔

林恐有看花人乙酉別去庚子八月忽奉太夫人就燕

湖觀察兩峯之養重過隨園昆和云迎人雞犬閒如舊

滿架琴書賣欲無臨別云故人垂老別歸舫任風移返

一步來想斯遊本不期似村名慶蘭

張松園方伯不甚作詩而落筆新穎見張素雲女校書

扇上有余贈詩乃赴其後云小住青樓醉好春偶教踪

跡落紅塵昨宵月下看歌扇忽見文星照美人

遠未徵士曹廷樞古謙與葛卜元同教習宗學葛北方

人長于考據自負博雅而曹專工詞章二人不相能虞
山蔣公滿洲世公各有所庇遂相參劾古人洛蜀之分
皆由門下士起也曹詩自佳咏春雨云兩雨溪邊水鳥
呼漸看檐際濕模糊憑欄花重紅疑滴隔座山橫翠欲
無吟苦莫愁春冷淡病多偏穩睡工夫卷簾自愛虛無
景未要蕭湘入畫圖

杭州柴南屏先生名謙作中書時和 聖祖冬至詩有
雪花欲共梅花落春意還同臘意舒之句 聖祖謂有
翰苑才超陞御史余與其曾孫景高交先生年八十餘
矣咏西湖云月出慣留歌舞席風生不送別離船

世有口頭俗句皆出名士集中世亂奴欺主時衰鬼弄
人杜荀鶴詩也今朝有酒今朝醉明日無錢明日愁羅
隱詩也一朝權在手便把令來行崔戎酒籌詩也閉門

窗前月分付梅花自主張南宋陳隨隱自述其先

人詩也大風吹倒梧桐樹自有旁人說短長宋人笑趙

師畢欲附范文正公祠堂詩也晚飯少喫口活到九十

九古樂府也見七修類稿所引難將一人手掩得天下日曹鄴

詩也易求無價寶難得有情郎女真蕙蘭詩也一舉首

登龍虎榜十年身到鳳凰池張唐卿詩也平生不作皺

眉事世上應無切齒人邵康節詩也見孫自有兒孫福

真與兒孫作馬牛。徐守信詩也是非。只爲多開口煩惱。
皆因強出頭。自家掃去門前雪。莫管他家瓦上霜。並見
爭林廣記黃泉無客店。今夜宿誰家。見唐人逸詩。

河督姚小坡作別駕時。以祭葬二字命赴余。宰江寧時。
無子。咏祭云。血食滿天下。但看所樹恩。羞將好魂魄。飢
飽仗兒孫。

余作庶常時。寓年家花園同年尖自堂。與其兄飛池借
寓園中。飛池與吳女金娘有三生之約。畏妻不敢聘。金
當誌云。殘淚未消和影拭。舊書重展背人看。詩旣佳。書
法亦秀媚。

靈聞沈大成字學子能首窮經多聞博學嘗見古廟有
九原丈人之碑不知所出後閱十洲記始知乃海神司
水者也因作九原丈人考一篇贈邵檀波云異書勸後
兼金重古硯磨多似白深卽事云樓頭風定鐘初動湖
上雲開舫漸行

浙中遂昌教諭王世芳字芝圃年一百十歲入都祝

太后萬壽賜翰林侍講銜還鄉陳太常星齋贈詩云華
皓何來雲水頭籠加新秩返扁舟酒錢未卜憑誰與壺
葉翻叨爲我投薄宦夢驚山北檄散仙行逐海東鷗獨
留佳話傳臺閣曾與耆英大父遊王面長尺許腰若曲

續自言少居鄉遭耿逆之變與諸妹互慼閒坐一妹頭
忽不見蓋爲飛砲擊去也與第三子同來白髮飄蕭背
轉僮僕問其長子曰不幸天亡矣問天亡之年曰八十
五歲乾隆辛未 聖駕南巡有湖南湯老人來接 駕
年一百四十歲 皇上先賜匾額云花甲重周又賜云
古稀再度

余真間惡蚊常誼批頰甚痛而蚊乃飛去偶讀葉聲木
誦蚊詩不覺大快詞曰虎狼偶食人人猶寢其皮獨怪
蚤蝨咬噴人甘如飴蟻蝨我自生自孽將怨誰蚤出塵
土間跳梁亦暫時爾蚊向爲者薨薨聲殷雷訂盟如點

將歎血遺飲飛聚昏更爲市利析秋毫微穿衣巧刺繡
中膚驚草錐深入石飲羽潛侵劍切泥三伏涼夜好清
風吹滿懷時方愛露坐鳴鏑一聲來悞憤自批頰悵望
空徘徊亦或中老拳礫裂巖渠魁無奈苦搔痒汗黏變
瘡癩咄咄么麼蟲陰毒乃如斯長喙不擇肉呼吸若乳
兒怪底入夏瘦毛孔成漏卮安得通身手左右時交揮

葉諱誠錢塘孝廉

王安處字平圃予少在都中與交好常宿其家見其魁
尤貢用墨竹云幾個琅玕幾點苔勝他五色筆花開分
明滿幅蕭蕭響似帶江南風雨來買竹云南郊過雨綠

生平底事勞人買竹忙我一出城君入市兩邊風味各
分書又送羅兩峯歸邦土兼示舍弟瘳生云別時冰雪
到時春萬樹寒梅耀眼新邂逅若滄江上客已歸須勸
未歸人

余幸沐陽有宦家女依祖母居私其甥陳某逃獲訊時
值六月跪烈日中汗雨下而虜理玉映陳貌寢以縊皮
爲業余念燕婉之求得此戚施殊不可解問女何俱女
垂淚云念之差玷辱先人自是前生宿孽其祖母怒
甚欲置之死余以草茂語再三諭之管甥而以女交還
其家搜其篋有閩詞云蕉心死後猶全捲蓮子生時便

倒會亦詩讖也。隔數月聞被戚匪胡丰賣往山東矣。予至今惜之。嘗爲人題畫冊云：他生願作司香尉，十萬金鈴護落花。

宰江寧時有南鄉錢貢甫之子某買張某妻陳氏爲妾，得價後屢詐不遂，遂來控官。余召訊之，錢燒窰張爲其採煤者也，貌如石炭，妻嫻然窈窕，錢美少年能詩，余意天然佳耦，欲配合之，而格于例，乃發官媒免其筭，有役某素黠，探知官意，密授錢計，仍買歸焉。錢故鄉居，事過後，余不便再問消息。後十餘年，余遊牛首山路，見鬚鬢者，率三嬰兒捧香伏地，問何人，曰：錢某也。年來妻亡，扶

陳氏爲正室此三兒皆其所生某亦入上元學矣妻聞
公遊山命我來謝獻詩云酬恩兩個山村雀含著金環
沒處尋綠葉成陰滿枝子費公多少種花心

李笠翁詞曲尖巧人多輕之然其詩有足采者如送周
參戎之浦陽云儒將從來重君其髯絕倫三遷無喜色
百戰有完身灰裏求遺史刀邊活故人仙華名勝地細
柳正堪屯婺寧菴云誰引招提路隨雲上小峯飯依香
積煮衣倩衲僧縫鼓吹干林鳥波濤萬壑松楞嚴聽未
闕歸計且從容尤展成贈云十郎才調本無雙雙燕雙
鶯話小牕送客留髡休滅燭要着花影照銀缸

杭州姚君思勤黃君湘圃吳君錫麒八九人同作新年
百咏俱典雅而吳詩尤超門神云問爾侯門立能知深
幾重倪經培云爵封萬戶外秩滿一年中姚咏拜年云
履吉弓鞋換催粧歲燭然勝常稱再四利市乞團圓風
菱云面目爲誰槁心腸到底甜黃咏爆竹云買來還縮
手畢竟讓人工面鬼云一半頭銜用幾重顏甲生皆佳
句也金兩叔宗伯爲題辭云回首辭家十載餘舊鄉風
土夢華胥卷中重認新年景却認初來占籍居
清波雜誌載元祐間新正賀節有士持門狀遣僕代往
到門其人出迎僕云已脫籠矣諺云脫籠者詐閃也溫

公聞之笑曰不誠之事原不可爲及前朝文衡山拜年
詩曰不求見面惟通謁名紙朝來滿敝廬我亦隨人投
數紙世情嫌簡不嫌虛可見賀節投虛帖宋朝不可明
朝不以爲非世風不古亦因年代而遞降焉

余有詩不入集中者嫌其少作未工也然終竟是爾時
一種光景棄之可惜乃追憶而錄之九歲咏盤香云空
梁無燕泥常落古佛傳燈影太孤十五歲咏懷云也堪
斬馬談方畧還是騎牛讀漢書題田古農買書買劍圖
云丈夫窮後疑無路猶有神仙作退步舟行云山雲猶
辨樹江雨暗移春咏柳云新絲買得剛三月舊雨吹來

似六朝落花云莫訝萬枝隨雨盡須知一片自天來無
題云紅豆相思多入骨綠蘿着處便生根在都中爲徐
相國耕籍應制云水到公田龍脉轉風翻仙仗杏花飛
頗爲相公稱許和金沛恩咏昭君紙鸞云玉門春老恨
難忘猶逐東風謁漢玉環珮影沉天漠北琵琶聲在白
雲鄉素絲解作留仙帶細雨彊成墜馬妝莫怪洛城多
紙貴畫圖終日對斜陽

丁卯冬余宰江寧以公事往揚州阻風燕子磯宏濟寺
僧默默年九十餘導余遊山并出西林桐城兩相國及
諸公卿詩相示余亦贈四律而別後辛未南巡默默接

駕 上問其年奏曰一百二歲 上笑曰和尚還有二
十年壽隨 賜紫衣默默謝 恩而出乾隆一十年竟
圓寂矣方知 天語之成讖也高文定公贈以詩云默
默僧年八十餘 蓂莢猶愛荷春鋤 擡頭見客心先喜 欸
坐烹茶意自如 千尺娑羅庭外樹 兩朝丞相壁間書 救
生舟送風帆穩 利涉長江信不虛

陶貞白云仙人九障名居一焉余不幸負虛名丁丑過
書肆見有作金陵懷古詩者姓王名顛客假余序文詩
旣不佳序亦相稱余一笑置之後三年再過書肆見清
溪唱酬集一本載上海彭金度礪山注元琛太倉畢隴

等共三十餘人前駢體序亦假我姓名詩序俱佳不能
無訝因買歸示程魚門程笑曰名之累人如此雖然如
魚門之名求其一假尙未可得後十年集中王陸禔曹
錫辰徐德諒范雲鵬四人都來相見而諸君子則終未
謀面姑錄數首以志暗中因緣范采菱曲云采蓮莫采
菱菱角刺儂手采菱莫采蓮蓮心苦儂口刺手苦儂苦
不深苦口兼欲苦儂心汪金陵雜詩云清江一曲鴨頭
波相約蒨裙踏淺莎雙槳月明桃葉渡但聞人語不聞
歌

王西莊光祿爲人作序云所謂詩人者非必其能吟詩

也果能胸境超脫相對溫雅雖一字不識直詩人矣如其胸境齷齪相對塵俗雖終日咬文嚼字連篇累牘乃非詩人矣余愛其言深有得于詩之先者故錄之

丙辰余將赴廣西吾鄉有孔先生者年八十餘贈詩云
畫眉聲裏推篷坐不是看山便讀書

張官詹鵬翀受 今上知最深侍直乾清門方宣召而
張已歸 上以詩責之云傳宣學士爲吟詩勤政臨軒
未退時試問羔羊三首內幾曾此際許委蛇 命依韻

和呈聊當自訟張奉 旨呈詩 上喜賜以克食張進

謝 恩詩有溫語更欣天一笑翻教賜汝得便宜之句

後數日和 上柳絮詩託詞見意云空堦勻積似鋪霜
忽起因風上玉堂縱有別情供管領本無才思敢輕狂
散來欲着仍難起飛去如閒恰又忙剩有鬢絲堪比素
蜂黏雀啄底何妨嘲春風云封姨十八正當家堦角朱
旛弄影斜掃盡亂紅無興緒強將餘力管楊花先生咏
物詩尤爲獨絕如集中泥美人雁字粉團玉環諸題皆
能不脫不黏出人意表少時遊楚南太守張蒼厓懋贈
以序云好窮七澤之游勿遽吞吾雲夢試問郢中之客
誰能和汝陽春

康熙庚子常熟杜昌丁入藏過瀾滄百里其部落曰估

猧有小女名倫幾卑聰慧明艷能通漢語昌丁來往屢
主其家見輒呼木瓜呀布木瓜者尊稱也呀布者猶言
好也彼此有情臨行以所挂戒珠作贈揮淚而別歸語
士大夫咸爲憮然沈子大先生作詩云猧猧小女年十
六生長胡鄉服胡服紅罽窄衫小垂手白瑣貼地雙跌
足漢家天子撫窮邊門前節使紛蟬聯慧性早能通漢
語含情何處結微緣杜郎七尺青雲士仗劍辭家報知
已匹馬翩翩去復回暫借猧猧息行李解鞍入戶詫媽
然萬里歸心一笑寬笑迎板屋藏春暖絮問游踪念夏
寒自言去日曾相見君自無心妾自憐妾心如月常臨

漢君意如雲欲返山私語閒將番字教烹茶知厭酪漿
羶雨意綢繆俄十日誰言十日是千年留君不住歸東
土恨無雙翼隨君舉聊解胸前瑪瑙珠將淚和珠親贈
與一珠一念是妾心百回不斷珠中縷塵起如烟馬如
電珠在君懷君不見黃河東流黑水西脉脉空懸情一
綫

郭暉遠寄家信誤封白紙妻荅詩曰碧紗窗下啟緘封
尺紙從頭徹尾空應是仙郎懷別恨憶人全在不言中
蘇州謝滄澗老干游幕爲淮關權使年希堯之上客有
得意句云惟有鄉心消不得又隨一雁落江南每旅夜

陽園詩話
高吟則聲泪俱下過惠山云路轉弓彎三里賒好風猶
趁半帆斜鶯聲滿店一泉酒春雨維舟一樹花白髮來
游嗟已晚青山如畫欲移家幾時來傍禪燈宿惠麓雲
中汲井華

徵士王載揚吟詩以對仗爲工有句云百五正逢寒食
節十千誰醉美人家愛余勝王閣詩阿房有焦土玉樓
無故釘一聯湖州徐階五先生贈沈椒園詩云詩派同
初白官情共軟紅以沈乃初白先生外孫故也王亦愛
而時時誦之徐知予於未遇時記其關山月一首云大
牙旗捲夕陽殘旋見城邊湧玉盤鼓角無聲霜氣肅山

河流影鏡光寒白頭漢將占星立紅淚胡姬倚馬看淨
掃烟塵天闕迥清輝多處是長安先生名以升雍正癸
卯翰林官臬使

興化鄭板橋作宰山東與余從未識面有誤傳余死者
板橋大哭以足踢地余聞而感焉後廿年與余相見于
盧雅雨席間板橋言天下雖大人才屈指不過數人余
故贈詩云聞死誤拋千點淚論才不覺九州寬板橋深
于時文工畫詩非所長佳句云月來滿地水雲起一天
山五更上馬披風露曉月隨人出樹林奴藏去志神先
沮鶴有饑容羽不修皆可誦也板橋多外寵常言欲改

律文管賢爲答背聞者笑之

戴雪村學士典試順天爲忌者所傷落職家居其飲酒如長鯨吸海卒以此成疾亡沅州立秋云沅州秋信悄然生旅思無煩雁到驚月落尙餘山桂白露零先著海棠清夢如蝶不離絃簾靜覺蛩都就盡楹愧是土方旬日住禪觀曾未遣微情鎖遠云泉脉自來簷可接箒端時暝雨旋傾只愁歸說人難信安得吟成更盡成

杜茶村爲國初逸老人多重其五律余以爲襲杜之皮毛甚覺無味獨愛其咏海棠一句云全樹開成一朶

花

晁君誠詩小雨惜惜人不寐臥聽羸馬齧殘芻真靜中
妙境也黃魯直學之云馬斲枯箕墮午夢誤驚風雨浪
翻江落筆太狠便無意致

隱仙菴道士周明先善琴能詩離隨園甚近年未五十
亡余錄其佳句云神仙樂事君知否只比人間多笑聲
竹間樓小窗三面山裡人稀樹四鄰壁琴風過閣天籟
香椀灰深梟篆烟雨中破壁蝸留篆醉後餘腥蟻起兵
又新筍成時白晝長七字亦妙

姑蘇隱者殷如梅字羽調咏桃花云望去分明臨水岸
開殘容易逐楊花咏梅云自是歲寒松竹伴無心要占

百花先謝人惠佛手數來千指屈伸總是無名看
去兩枝大小豈能垂手憎蚊云以啟其毛何堪供汝流
歎不濡其味亦且驚我虛聲

杭州多高士梁杕潭先生因從子詩正貴後遂不鄉試
恥以官卷中故也垂釣云一溪新漲失前汀照見青山
處處青香餌自香魚不食釣竿只好立蜻蜓題采芝圖
云山間石上爛生光曾受青城道士方自採自餐還自
壽不來朝市說珍祥宋杏洲先生咏槐花云寄語世間
諸舉子不應才到此時忙周徵士西穆湖土云野鷗導
我有閒意新柳笑人成老夫施文學竹田湖亭云六

時但有蘋風至五月來看梅雨晴

余讀漢書雅不喜董廣川而最喜賈太傅偶讀錢竹初
洛中懷古云南來莫再尋遺宅第一人才是賈生蘇州
薛皆山云一篇鵬賦離形相才子回頭是道人二詩皆
推崇太傅實獲我心

余幼時遊西湖見酒樓號五柳居者壁上題詩甚多不
久卽圯去惟西穆先生一首墨瀋淋漓字寫爭坐位帖
歷七八年如新酒樓主人及來遊者皆護存之敬其爲
名士故也題是冬日同樊榭放舟湖上念欒城赤鳧都
已下世彌覺清遊之足重也分韻同作云一角西山雪

未消鏡光清照赤闌橋小分寒影看梅色半入春痕是
柳條閒裏安排塵外迹酒邊珍重故人招孤烟落日空
臺榭歲晚重來話寂寥後四十年余再至湖上則壁詩
無存西穆樊榭久歸道山而酒樓主人亦不知名士爲
何物矣惟陳莊壁上有蔣用菴侍御酬王夢樓招遊一
首云六朝風物正妍和珍重烏篷載酒過一串歌珠人
似玉四圍巒翠水微波狂夫興不隨年減舊雨情于失
路多爭奈嚴城宵漏急未知今夜月如何

吾鄉詩有浙派好用替代字蓋始于宋人而成于厲樊
榭宋人如水泥行郭索雲木叫鉤輶不過一鱗一鷓鴣

耳歲暮蒼官能自保日高苛女尙橫陳含風鴨綠鱗鱗
起弄日驚黃裊裊垂不過松霜水柳四物而已廋詞謎
語了無餘味樊榭在揚州馬秋玉家所見說部書多好
用僻典及零碎故事有類庶物異名疏清異錄二種董
竹枝云偷將冷字騙商人責之是也不知先生之詩佳
處全不在是嗣後學者遂以瓶爲軍持橋爲畧竹箸爲
挾提柎爲芮溫提燈爲懸火風箱爲扇墮熨斗爲熱升
草履爲不借其他青奴黃奶紅友綠卿善哉言了白甲
紅丁之類數之可盡味同嚼蠟余按世說郝隆爲桓溫
南部參軍三月三日作詩曰甌隅躍清池桓問何物曰

魚也桓問何以作蠻語曰千里投公才得蠻部參軍那
得不作蠻語此用替代字之濫觴文選中詩以日爲耀
靈風爲商飈月爲蟾魄皆此類也唐陳子昂出始一洗
而空之

寶意先生恩同花上露留得不多時萬柘坡相逢似春
雪一夜不能留元微之傷心落殘葉猶識合昏期三詩
意味相似

李穆堂先生詩以少作爲佳位尊後有率易之病予所
喜者皆其未第時及初入翰林之作東平州看杏花云
斷雲斜日過東平楊柳風來葉葉輕莫爲春陰便惆悵

杏花如雪更分明落葉云寒來于樹薄秋盡一身輕卽
事云欲問春深淺桃花淡不言湯泉云漢井炎方熾周
京德肯涼日暮云鳥聲隔屋山初暗燈影當窗紙未溫
驛鋪云短堞一空雞絕唱敗槽百齧馬無聲晚年不屑
爲此種詩亦不能爲此種詩

王阮亭尙書未遇時受知於先達某故詩集卷首卽錄
其所贈五古一篇用蕭豪韻穆堂未遇時受知于阮亭
故哭阮亭五古一篇亦用蕭豪韻姜西溟哭徐健菴司
寇詩用張文昌哭昌黎韻想見古人聲應氣求後先推
挽之盛

吾鄉文學曹芝字荔帷以好名貧其家中年遽亡詩稿
甚富宿隨園見贈云蓬藿年年靜掩扉好風吹上芰荷
衣青山一覺鶴同夢白髮滿頭花打園肯與凡禽爭飲
啄果然天馬脫鞍韉陶歸邴罷關何事出處如公世所
稀

丁丑春陳古愚袖詩一冊來告子曰得一詩人矣適黃
星岩在山中三人披讀乃常州董潮字東亭者所作也
其京口渡江云輕帆如葉下吳頭晚景蒼茫動客愁雲
淨蕪城山過雨江空瓜步雁橫秋鈴音幾處烟中寺燈
影誰家水上樓最是二分明月好玉簫聲裡宿揚州想

見其人倜儻矣未閱邸抄知與香亭同中進士入詞館
予方喜相交之日正長不料散館後竟病卒余因思未
見其人先吟其詩而相慕者一爲蔣君士銓一爲陶君
元藻皆隔十餘年欣然握手惟董君則始終隔面渠未
必知冥冥中有此一知己也嗚呼

曹澹泉詩含雨花如抱恨人方子雲云向日花如暴富
人陳古愚云新綠樹如人少年三人調同而各妙

湖廣彭湘南廷梅與長沙陳恪敏公交好過隨園時年
已七十卽席賦詩有落日紅未盡遙山青欲來之句余
愛賞之在秦淮河口占云秦淮河畔亂沙汀芳草魂生

六代青春去而中人不惜杜鵑啼與落花聽湘南畫小
像一叟坐室中旁有偷兒持斧穴洞而窺號竊比于我
老彭圖見者大笑秋夕宿憑虛閣云尋幽住此山秋聲
卽吾性一閣銜夕陽半江紅不定淡淡暮雲低漠漠松
陰暝遙見隔林燈寒空生遠映

昔人稱王粲精思不能有加于宿構故拙速不如巧遲
此言是也然對客揮毫文不加點亦是樂事余平生所
見敏于詩者四人前輩中一爲官詹張南華鵬翀一爲
學士周蘭坡長發同學中一爲侯夷門嘉緝一爲金進
士兆燕俱可以擊鉢聲終萬言倚馬乙丑子宰江寧侯

爲貳尹招之小飲侯卽席有龍蟠虎踞江山助壁合珠
聯文字交之句惜忘其全篇後得狂易之疾死鎮江黃
太守署中秦澗泉哭以詩云客傳京口訃音來無際愁
雲望不開妻子半船歸海嶠圖書千帙付蒿萊龍蛇應
有前生夢宇宙誰爲曠世才懊惱人天今異路新詩定
已滿泉臺又曰若使九原真及第勝教五斗戀微官
余散館出都走別南華先生先生取紙疾書送別云清
時重民牧臨御簡良才經術平生裕文章我輩推醉辭
鵝鷺侶吟向鳳凰臺民力東南急君其保障哉眷言桑
梓近鄭重惜分襟暫輟三都筆將聽五袴吟風流爲政

美懽悌入人深千里同明月相思寄好音

癸酉夏五周蘭坡潘筠軒兩學士同飲隨園見案上有東坡詩換之笑曰我卽用其仇池石韻序今日事可乎余曰幸甚磨墨巾紙日影未移詩已畢矣曰干章夏木清一雨洗濃綠前月遊隨園林巒看未足北牖貪晝眠人謂邊韶腹雲開峯黛妍水長波紋蹙錦襍離市塵疎狂狎樵牧恐費十千沽何曾再三續榴火吐紅蕤林篁削青玉老友中州歸陳人案前伏相約飲無何聯吟日可卜爲愛好軒楹不辭屢徵逐絕類仲蔚園恍入子真谷無酒君須謀有魚我所欲看鋤邵圃瓜敢顧周郎曲

劇喜天已晴莫訝客不速

棕亭在江氏秋聲館卽廓和余四絕云坐對名山列綺
筵籬花爭艷暮秋天百年傳得詩人宅先把黃金鑄浪
仙近郭遙峯左右當帆檣歷歷遠天長女牆穿過疎林
外放出殘霞襯夕陽山腰奇石最伶俚矮作闌干曲作
屏選得雲根坐吹笛新聲分與萬家聽惠郎中酒眼波
斜一曲清歌遏衆譁安得將身作么鳳香叢長伴刺桐
花

善寫客情者昔人詩如因相見近轉致久無書近鄉
心更怯不敢問來人善寫別情者如可憐高處望猶見

故人車相看尙未遠不敢遽回舟

爲學心難足知君更掩扉項斯贈友詩也一點村前火

誰家未掩扉唐山人村行詩也兩押扉字均妙

何南園館於汪氏其尊人禮之甚至後其子非解事者

而苛責館課轉嚴南園賦詩云急管繁絃子夜聲宮商

強半不分明老夫聽慣開元曲聽到殘唐刻刻驚

詩有音節清脆如雪竹冰絲非人間凡響皆由天性使

然非關學問在唐則奇連一人而溫飛卿繼之宋有楊

誠齋元有薩天錫明有高青邱 本朝繼之者其惟黃

莘田乎

吳魯齋賢宰甘泉有惠政不幸無子四十而歿其詩稿
夫散僅記其送友云遙知白髮相思苦馬上逢人便寄
書過洛陽云最羨少年能挾策至今天子重書生荷齋
偶成云候吏解投山客刺奚童不掃卽床花京江云揚
子江頭月正明夜深風露怯淒清鄰舟有客橫吹笛似
說故人離別情

偶見晚唐人辭某節度七律一首前四句云去違知己
住違親欲策羸驂屢逡巡萬里家山歸養志十年門館
受恩身讀之一往情深必土君子中有率性者也恨不
友其人于千載以上惜不能記其全首與其姓名他日

翻擷全唐詩目能遇之

國朝詩話卷十

倉山居士著

江寧吳模字元理應童子試時年才十三舉止端肅因
 入署以果餌旋卽入澤邑中名士沈瘦岑以女妻
 之嗣後十年不復相見詩人李晴洲告予曰元理小秀
 才近詩日佳比其外舅駿駿欲度騁駟前矣請其迎秋
 一首云碧天靄靄暮山晴一片秋心趁月明暑退漸教
 葵扇棄風高已覺葛衫輕繞堦草色籠烟淡隔樹蟬聲
 咽露清爲讀離騷更漏永幽蘭時有暗香迎未幾元理
 來讀余外集呈一律云陶令無官通刺易崔儵有室入

門難又曰傳有其人應久待我生雖晚未嫌遲是年與
周青原同受知子學使李鶴峰拔貢入都予喜賀以詩
云人夸籍湜居門下我道班楊在意中

余以紫玻璃鏡窗一時咏者甚多太倉閩省謙云一天
花氣鏡邊浮朶朶晴霞入望收檻外電光何處雨山中
喜色最宜秋尤貢父云四面有山皆夕照一年無日不
花光

江寧高廟曾亮一工裁菊能使月月有花成辰秋席武
山別駕招余同蔣用恭侍御姚雲嘯觀察同往賞花用
菴分得有字韻詩云天地之大何不有造化乃出山僧

手山僧一手種菊花花高十尺大如斗四時羣卉遞凋
殘僧寮月月如重九石頭城外普陀菴相思半載游終
負初冬髯八書相招盍簪花下中山酒座客呼僧相聘
貽問訊神方乞誰某僧云我絕妙師傳蘊崇祇在三時
厚料寒暄細鋤泥剔穢芟蕪重縛帚雨無苦濕晴無
乾如期各有神明壽此言雖小可喻大士夫身世宜遵
守萬物從來栽者培枯苑紛紛都自取東風桃李劇芳
妍此時可保穠華否經得冰霜受得春畢竟此花能耐
久坐中聽者大軒渠花亦從旁如點首街鼓催人月到
箇籃輿還帶餘香走

關防二字見隋書酷吏傳原非作官者之美名故余知
江寧時記室史正義茗澗時出狎遊予愛其才而不禁
也其南歸留別得青字云浪跡深漸水上萍漫勞今夜
餞郵亭鶯從久客無多綠燈入籬筵分外青海國歸颿
隨候雁天涯知己臘晨星何時載得蘭陵酒重向紅橋
共醉醒又曰酒沾雙屐兩人坐一庭烟

六安秀才夏寶傳生而任俠出雅雨盧公門下盧謫戍
軍臺僮僕無肯隨者夏奮曰我願往竟策馬出塞三年
後與盧同歸盧再任轉運爲捐學正一官所以報也程
魚門題其橐中集云磨刀冰作石煖客火爲衣盧亦有

句云手僵常散轡，泪凍不沾衣。可想見塞外之苦矣。乾隆庚子科，以年過八十，欽賜舉人。陳古漁贈句云：八旬鄉榜無消息，一紙天書有姓名。又曰：三徵尙却連城聘，一諾能輕萬里行。

蘇州顧祿，百張匠門先生外孫也。晚年不遇，爲歸愚先生權記室。凡先生酌應之作，皆顧捉刀咏紅葉云：秋樹忽春色，曉山皆暮霞。余常嘆陸放翁臨終時，猶望九州恢復而終于國亡家破，不遂其願。祿百有句云：散關鐵馬平生願，愁絕他年家祭時。

蔣心餘太史居金陵時，除夕夢與余登清涼山，得句云：

三春花鳥空陳迹六代江山兩寓公聞山寺鐘鳴擲筆
而寤

唐人詩曰欲折垂楊葉回頭見鬢絲又曰久不開明鏡
多應爲白頭皆傷老之詩也不如香山作壯語曰莫道
桑榆晚餘霞尙滿天又宋人云勸君莫惱鬢毛斑鬢到
斑時也自難多少朱門年少子被風吹上北邙山

杭州布衣何琪字東甫咏簾鈞云高牽纏臂金無色誤
觸搔頭玉有聲金銀花云可能華屋開常好只恐柴門
種亦難

學問之道四子書如戶牖九經如廳堂十七史如正寢

雜史如東西兩廂注疏如樞闕類書如厨櫃說部如庖
漏井區諸子百家詩文詞如書舍花園廳堂正寢可以
合賓書舍花園可以娛神今之博通經史而不能爲詩
者猶之有廳堂大厦而無園榭之樂也能吟詩詞而不
博通經史者猶之有園榭而無正屋高堂也是皆不可
偏廢

江寧涂爽亭善小兒醫能詩年九十餘有句云船底水
鳴風力大蘆中雁語月光高余小女病危爽亭活之因
來往甚歡辛丑九月以書來訣一切身後事親自檢校
予挽聯云過九秩以考終從古名醫都登上壽痛三號

而未已傷吾老友更失詩人

或傳程漁門京中移居詩云勢家歇馬評珍玩冷客攤
錢問故書予笑曰此必琉璃廠也詢之果然因記商賈
意移居周蘭坡與萬晴初訪之見門對云豈有文章驚
海內從無書札到公卿萬笑曰此必商公家矣詢之果
然

王菊莊孝廉名金英性孤冷而工詩有殘雪墜仍起如
塵空際盡之句余尤愛其楊柳店夢歸云征騎尚棲楊
柳岸歸魂已到菊花庄杖藜父老聞聲喜停織山妻設
饌忙生菜摘來猶帶露新醅釀得已聞香堪憐稚女都

齊膝羞澁牽衣立母旁掌教永平書院云生徒散後庭
階靜知已逢來禮法疎邦溝云負郭人家隄下住酒帘
颺出樹稍頭

魯星村猫迎落花戲魚負小萍移與宋笠田護籬小犬
吠生客曝背老翁調幼孫之句皆詩中有畫魯沙橋道
上云山下竹林林下屋門前溪水帶花流王蘭泉方伯
雲陽驛云明月似霜霜似雪雲陽驛外夜三更二句相
似

予有句云閒卷古人都在眼閉門晴雨不關心龔旭開
登石臺詩云短牆南畔接烟林啼罷山禽又海禽甚日

晴明甚日雨不曾出戶不關心抑何暗合耶龔有連理
枝詞云曉尙衣衫薄未許開簾幙小婢來言東風料峭
動花鈴索海棠軒外石闌邊有風箏吹落

山陰布衣茅商隱客死汴城桑叟甫爲梓其詩晚村云
帶聲鴉易樹偶語客歸村山行云郭外憫饑眠野草墮
前翁仲戴山花皆佳句也越中故事娶新婦至必選處
女迎之號曰伴姑茅吟曰十六作伴姑含情語鄰姆今
日新嫁娘問年才十五

王進士又曾字穀原詩工遊覽同人看白蓮云船牕六
扇拓銀紗倚漿風前落晚霞依約前灘涼月晒但聞花

氣不看花臯亭來往省年時香飲蓮筒醉不辭莫怪花
容渾似雪看花人亦髻成絲遊陶然亭云岸蘆迸笋妨
遊屐林蝶翻灰浣袷衣春濃轉怕形人老官冷真宜伴
佛閒皆傳誦一時有丁辛老屋集

岳水軒名夢淵爲督撫上客居與隨園相近丁丑秋忽
作詩會大集名流其豪氣猶勃勃可想江行云荻港人
維雪裏舟雪花飛較荻花稠篷牕人醉荻中臥時被雪
花飛上頭荷花云蘭舟載麗人搖入荷花蕩亭亭紅紛
姿花與人相彷彿其中有蓮的心苦惟儂賞欲以擲奉郎
生潛金鈎響雨詩有古樂府遺音

金江聲觀察名志章在吾鄉與杭厲齊名壬子月夜登
虎邱云一片深宵月明明照虎邱松杉交影靜蘋藻上
階流夜舫吹簫客春燈賣酒樓他鄉有朋好竟夕此淹
留庚辰年余過虎邱山僧出此詩見示不知余故觀察
年家子也尤愛其過冷水舖云白鷗傍槩白雙浴黃蝶
逆風還倒飛宿靈隱云窗虛暗覺雲生壁夜靜時聞雨
滴階

或問劉勰言陸機亦有鋒穎而腴詞勿剪終累文骨近
日才人如寶意魚門時蹈此病余曉之曰韋端已云屈
宋亦有蕪詞應劉豈無累句但須精選斯文者食馬留

肝肓魚去乙可耳此極元集之所由作也

漢杜欽兄弟任二千石者十人欽官最小名最著韓文公之孫衮中狀元後人但知布衣方干不知狀元韓衮甚矣人傳不在官位也唐人詩曰孟簡雖持節襄陽屬浩然簡之名自在浩然下然余到桂林見獨秀峰有簡題名筆力蒼古今之持節者如孟簡其人亦少矣

薛中立幼時見蝴蝶咏詩云佳人偷棗好停却繡鴛為大為乃翁生白所賞且云宋時某童子有句云應是子規啼不到致令我父不還家都是就一時感觸竟成天

顛

閨秀少工七古者近惟浣青碧梧兩夫人耳碧梧咏李
香君媚香樓云秦淮烟月板橋春宿粉殘脂膩水濱翠
黛紅裙競粧裏垂楊勾惹看花人香君生長貌無雙新
築紅樓喚媚香春影亂時花弄月風簾開處燕歸梁盈
盈十五春無主阿母偏憐小兒女弄玉雖居引鳳臺
郎未遇吹簫侶公子侯生求燕好輸金欲買紅兒笑桃
花春水引漁人門前繫住遊仙棹奄黨織兒想納交繡
頭故遣狡童招那知西子含顰拒更比東林結社高樓
中剛耀雙星色無奈風波生頃刻易服悲離阿軟行重
房難把臺卿匿天涯從此別情濃錦字書憑若不通

樹已曾棲彩鳳繡幃爭肯放遊峰因愁久已拋歌扇教
坊忽報君王選帝眉擁髻下紅樓從今風月憑誰管柘
枝舊譜唱當筵部曲新翻燕子箋總爲聖情憐覩覷桃
花官扇賜簾前天子不知征戰苦風前且擊催花鼓阿
監潛傳鐵鎖開美人猶在瓊臺舞銀箭聲殘火尙溫君
王匹馬出宮門西陵空自宮人泣南內誰招帝子魂最
是秦淮古渡頭傷心無復媚香樓可憐一片清溪水猶
向門前鳴邑流碧梧卽孫雲鳳和余留別詩者有妹蘭
友名雲鶴亦才女也咏指甲作沁園春云雲母裁成春
冰碾就裏住葱尖憶綠窗人靜蘭湯悄試銀屏風細絳

蠟輕彈愛染仙葩偶調香粉點上些兒玳瑁斑支頤久
有一痕鈎影斜映腮間 摘花清露微粘剖繡線雙虹
掛月邊把電裳暗拍代他象板藕絲自雪摺个連環未
斷先愁將修更惜女伴燈前比並看消魂處向紫荊花
上故逞纖纖

梁文莊公弟夢善字午樓生富貴家而娟潔靜好孟子
所謂無獻子之家者也年十五舉于鄉六上春闈不第
出宰蠡縣非其志也年過四十而卒出都一首便覺不
祥其詞云何處人間有鴈聲暮雲無際且南征西風未
忝臨官道落日牛羊近古城生意漸如衰柳盡浮生只

共片帆輕勞勞踪跡年年是淒絕天涯此夜情咏熏爐
云夢去恰疑懷墮月抱來錯認玉爲烟飲沈叔園太史
家云微吟韵許追前輩中酒身邊耐薄寒述懷云洗馬
清羸潘令髻外人剛認一愁無皆清詞麗句楚楚自憐
亦有壯語如出塞不辭三方里著書須計一千年恰不
多也

國初逸老某贈妾云香能損肺熏宜少露漸沾花採莫
頻王健菴妻張瑤英示兒云教兒寶鴨休添火龍腦香
多撮損花瑤英有繡墨詩集余已爲刊刻矣茲再錄其
佳句送健菴云縱無多路情難別須念衰親遊有方病

月云豈爲愁多清淚落却緣烟重午炊遲偶成云無夢
不愁鷄唱早有書只望雁飛過荒院草刪三徑濶破牕
風入一燈危蛛知網濕添絲急月待雲開到檻遲

戊戌春余在杭州兩姬置酒招女眷遊西湖瑤英以詩
辭云呼女牕前看刺鳳課兒燈下學塗鴉韶光一刻難
虛擲那有閒看湖上花旣而遣人劫之曰娘子不來怕
作詩耶果飛輿而至到湖心亭書二十八字云釀花天
氣雨新晴一片清光兩岸平最好湖心亭上望滿堤人
似水中行

李宏猷秀才設帳尹制府署中咏新竹云節已凌雲未

出頭未幾病重薦其友周青原入署相代青原來見袖
中出西園池上詩云目不窺園已浹旬小池春漲綠鱗
鱗得魚鳥勝垂綸客臨水花如炤鏡人欲掃閒庭苔莫
損偶扳芳樹蝶相親笑余三月裘還着只爲調停病起
身未句余略爲酌改周欣然辭出良久聞門外尙有吟
哦聲則以肩輿未至故得意而徐步呻吟也其風趣如
此後官中書在京師寄懷云我如脫銜駒恣意騁原隰
不讀五千卷輒入崔嵬室又如餽丹鼠吐腸還自悼空
得成連師未諳水仙操川雝難學海嵒則曾引針千秋
一瓣香頂禮優盞林

金陵妓郭三爲訟事江寧王令拘訊之香亭爲關說求
免王覆札云昨承簡翰誠恐狼藉花枝欲於園中立五
彩旛使封家十八姨莫逞其勢然弄郭郎者只是逢場
作戲須俟上臺時看作如何扮演再理會下場可耳香
亭乃寄詩云一波才定又生波屢困風姨可奈何不是
花奴偏惹事總緣柳弱受風多登場更比下場難牛鬼
威風色已寒要識李夫人面目何如留待帳中看

秦璣沈均安字際可官江右以廉潔稱能詩工書由贛
邑令擢遷花廳司馬留別邑人云民稱張旭書堪寶我
比詩苗續並無

真州鄭中翰灃字晴波新婚北上留別閩中云來年春
到江南岸楊柳青青莫上樓其同年周舍人發春喜誦
之時有陳庶常濂與周相善而未識鄭一日公謙處周
鄭俱在陳忽語周曰昨聞有人贈內之句情韵絕佳當
是晚唐人手筆周急叩之則所稱者卽鄭詩也鄭聞而
愕然周因指鄭示陳曰此卽賦楊柳青青之晚唐人矣
三人大笑真州程灌夫亦有句云春風自綠垂楊色何
事羈人怕倚樓

寶意先生告余云己卯秋過龍潭見旅壁題詩四絕清
麗芊綿後書桂堂二字橫胸中數十年載終不知其爲誰

題作秦淮偶興云淡黃楊柳曉啼雅絲雨溫香濕落花
應有鮰魚吹雲工水邊亭子正琵琶水榭湘簾特地清
朝烟上興曲闌平舊時紅豆拋殘處只恐風吹子又生
離門過雨綠烟鋪檀板金尊俗有無小艇已將烟月去
人間空說女兒湖鱗鱗碧瓦炤春菜省井宵深鳥語哀
第一林泉誰省得數枝猶發舊官槐

冬友自言九歲時侍先大父過淮舟中人限吞字韻爲
詩多未穩予有句云橫橋風定帆全卸小艇潮來勢欲
吞大父曰此子將來必無患苦或問其故曰凡詩押
韻而能響者其人必貴押險韻而能穩者其人必安生

平以此衡人百不失一大父諱馨字星標

吳中七子中趙文哲損之詩筆最健丁丑召試與吳竹
輿同集隨園愛誦余無情何必生斯世有好都能累此
身一聯後從溫將軍征金川死難軍中過襄陽時以懷
諸葛故居詩四首見寄云洵美躬耕地千秋一草廬勛
名微管亞出處有莘如巾服漁樵襄川原戰陣餘西風
渭濱路尙憶沔南居四海占龍臥蕭條一畝官泊如朋
厥志行矣慎吾躬變化遭非偶棲遲道豈窮可知出師
表慷慨本隆中崔徐二三子來往定欣然逸事風塵外
高評月且前襟期梁甫曲生計漢陰田當日如終隱鴻

妻亦最賢宇宙聲名大遺踪錦水長人歌千尺柏公念
百枝桑涕尚沾遺老魂應戀故鄉溪毛如可薦此地合
祠堂

江賓谷在楚中寄信托家人山莊栽樹云老去菟裘身
後家他年都要此中來何言之親切而有味也漢上喜
晤汪丈云他鄉執手感前盟白髮垂肩閱變更問舊可
堪皆後輩抱書猶記拜先生漸成安土如秦贅別後添
丁盡楚聲客况中年復誰遣一尊寒雨故人情

香亭弟隨叔父健馨公生長廣西叔父亡後余迎歸故
里年十五卽見贈云坐無尼父爲師易家有元方作弟

難又卽目云山氣騰空欲化雲余早知其能詩也孤甥
陸建號豫庭字湄君幼爲余所撫養與香亭同歲己巳
春余辭官挈兩人讀書隨園時相唱和後子官秦中二
人過隨園見憶香亭云共尋幽徑訪柴扉遙見高臺出
翠微蠟屐重臨秋色冷青山如故客情非枯荷帶雨碧
連水荒蘚盈庭綠染衣滿樹寒鴉鳴不已斜陽烟草更
依依豫庭云自別青山兩載餘風光較昔更何如竹梅
添種堦前樹詩史空堆架上書窗外葉飛人云後天邊
月冷雁來初灞橋此日秋風早應向江南憶故廬豫庭
贅于宿州刺史張公處張名開士字鞅倫杭州壬戌進

士歷任有循聲謂豫廷曰作時文則我教卿作詩則卿
教我豫庭年三十餘以瘵亡張忽忽不樂如支公之喪
法虔也月餘亦亡豫庭贈婦翁云喜我絳紗深有托半
爲嬌客半門生贈婦云未有肉能憑我割不妨酒更向
卿謀張詩亦佳宿華嚴寺云竹裏琴聲秋澗落定中燈
火石林分感懷云臣心自問清如水世道尤難直似弦
余三妹皆能詩不愧孝綽門風而皆多坎坷少福澤余
已刻三妹合稿行世矣茲又抄三人佳句以廣流傳三
妹名機字素文秋夜云不見深秋月影寒只聞風信響
闌干閒庭落葉知多少記取朝來着意看閒情云欲捲

湘簾問歲華不知春在幾人家
一雙燕子殷勤甚銜到
牕前盡落花他如女嬌頻索果婢小嬾梳頭怕引游蜂
至不裁香色花皆可誦也遇人不淑卒於隨園香亭弟
哭之云若爲男子真名士使配叅軍信可人無家枉說
曾招婿有影終年只傍親
豫庭甥哭之云誰信有才偏
命薄生教無計奈夫狂
白雪裁詩陪道蘊青燈說史侍

班姑

四妹名杼字靜宜遊鷄鳴寺云蒼蒼烟樹帶斜暉石塔
層巒傍翠微無復蕭梁宮殿在臺城猶見紙鷲飛秋園
踏月云藹藹山光映碧空參差樹影亂西風蘆花幾朵

明如雪吹在橫橋曲澗中他可誦者如描花嫌紙窄學
字借書抄賓鴻雲作路蟋蟀草爲城畫閣偏聞雛燕語
亂書常被嬾猫眠課女云花簪一朶休嫌少字課三張
莫厭多挽葛姬云斷線幾條猶委地南樓一榻已生塵
堂妹棠字秋卿嫁揚州汪楷亭家頗溫飽伉儷甚篤咏
燕云春風燕子今年早歲歲梁間補舊草華堂叮囑主
人翁珍重香泥莫輕掃吁嗟乎千年田土尚滄桑那得
雕梁常汝保余讀之不樂曰詩雖佳何言之不祥也已
而竟以婉難亡又二年楷亭亦卒妹寄二兄香亭云鵬
程人與白雲齊君獨年年借一枝聞道故交多及第更

憐歸客尙無期琴書別後遙相憶雪月牕前寄所思常
對芙蓉染衣鏡堪嗟儂不是男兒子歸揚州云不堪回
憶武林春嬌養曾爲膝下身未解姑嫜深意處偏郎愛
作遠遊人綠楊堤畔行遊子紅粉樓中冷翠帷爲問秦
淮江上月今宵照得幾人歸亡後香亭哭以詩云最苦
高堂念懷中小女兒至今傳死信未敢與親知書遠摹
多誤人稠語屢岐調停兩邊意暗泣泪如絲

余在蘇州四妹寄懷云長路迢迢江水寒蕭蕭梅雨客
身單無言但勸歸期速有淚多從別後彈新暑乍來應
保重高堂雖老幸平安青山寂寞煙雲裡偶倚闌干忍

獨看余讀之凄然當卽買舟還山四女葉姑從妹受業
妹贈以詩云有女依依喚阿姑忝爲女傳教之無欲將
古典從容說失却當年記事珠妹嫁韓氏生一兒名執
玉十四歲咏夏雨云潤回青簾色涼逼采蓮人學使竇
東臯先生愛之拔入縣學未一年得暴疾亡目將瞑矣
忽坐起問阿母曰唐詩舉頭望明月下句若何曰低頭
思故鄉嘆曰果然遂點頭而仆故妹哭之云傷心欲拍
靈床問兒往何鄉是故鄉

詩有情至語寫出活現者許竹人先生督學廣西接弟
石樹凶問云望書眠欲穿折書手欲爭抱書心忽亂隔

紙字忽明揮手急屏置忍淚雨暗傾老親中庭立念遠
心懸旌病訊百計匿矧可聞哭聲違心方飾貌哀抑喜
且盈趨言夢弟至所患行已平

隨園每至春日百花齊放家中內子及諸姬人輪流置
酒爲太夫人壽太夫人亦嘗設席作答余有句云高堂
戒我無他出阿母明朝作主人蓋實事也香亭同賞梅
詩云爲愛梅花散綺筵合家春家畫堂前忽憐香氣傳
風外却喜花開在雨先人影共分千竹翠簾光高捲一
山烟知他萬片隨雲去還赴璫樓譙列仙嗚呼自先慈
亡後此席永斷而香亭亦遠宦粵中矣

江寧城中每至冬月江北村婦多渡江爲人傭工皆不
纏足間有佳者秦芝軒方伯席上集唐句戲云一身兼
作僕兩足白于霜

桐城詩人分咏古鏡方正瑗云絕代應憐顏色少六宮
曾識舊人多姚孔舜云相對不知何代物此中曾老幾
朝人皆佳句也姚又有句云病後精神當酒怯靜中情
性與香宜

余己未座主爲泰安相國趙公仁圃公以長垣令有政
聲受知 世宗晉秩卿貳平生愛時文雖入綸扉猶手
校成宏諸大家孜孜不倦晚泊小米灘一絕云回橈蟻

庭傍平山碧綠伴舟便是家坐久勝驚山吐月話長人
喜燭生花作令時以勘災故足浸水中真自故病跛每
八朝許給袂以行 蘇國麟山東人

余習 國書讀十二鳥朱受業于鄒泰和學士記其丁
香一首云春空烟鎖綴星星兩樹瓊枝占一庭交網月
穿珠絡索小鈴風動玉冬丁傍簷結密人難折拂座看
多酒易醒只恐天花散無迹擬將湘管寫娉婷又白雲
寺云飛鳥沒邊孤塔見亂山缺處夕陽明元生戊戌
林和雅謙謹有愛猫之癖每宴客召猫與兒孫側坐賜
孫肉一片必賜猫一片曰必均每相奪也督學河南接

臨商卸畢出署失一猫嚴檄督縣捕尋令苦其煩用印
文詳報云甲職遣幹役四人挨民家搜捕至今逾限憲
猫不得

陝西薛宁庭太史與江寧令陸蘭村爲同年丙戌到白
門相訪偕公子雨莊與其師高東井泛舟秦淮作詩云
衣帶一條水蘭舟小亦佳南朝留勝覽北客壯吟懷綽
約虹橋束參差畫檻排衝炎偶然出記取始秦淮誰與
偕來者詩人高遠夫看山揮玉塵忘暑對水盡年可清
談足寧教佳句無土龍君弟子架筆也珊瑚

金陵承恩寺僧行學能詩有句云雨晴雲有態嵐定水

無痕其師聞乘有五絕云香氣透牕紗風輕日未斜午
堂春睡起雙燕下含花又有句云才展金剛經了了金
剛經夾小吟箋余嘗云凡詩之傳雖藉詩佳亦籍其人
所居之位分如女子青樓山僧野道苟成一首人皆有
味乎其言較士大夫最易流布

余改官江南賦落花詩邗陽中丞內幕程南耕愛而和
之記數聯云燕壘漫教留粉在馬蹄幾度踏香來升沉
我已叅名理落莫人還惜異才程名嗣章綿莊先生之
弟中年病聾每來則以筆代口先以一函相訂故余贈
句云見面預安雙管筆焚香先捧一函書

朱學士筠字竹君考據博雅不甚吟詩有登湖樓一律
云載月來登湖上樓飄然便可御風游帆如不動暮天
沒岸竟欲斜秋水流何寺一聲孤磬遠長空萬點亂鴉
愁酒盃頻勸君何苦未使春波負秀州

姊夫王貢南名裕琨雨過富春云歷亂如絲小雨微相
呼舟子授簣衣魚爭新水穿萍出鳥怯寒風貼地飛宿
霧半藏臨澗屋好花多落釣魚磯紛紛魚艇隨波散散
網閒歌何處歸寄內云好奉慈姑勤菽水莫同邱嫂憂
杯羹余時年十四愛而記之卽健菴父也

海寧許鐵山佳枝與余同官金陵一時有二枝之稱余

已薦牧高郵而許猶有待意有所感和余河房宴集詩
云朱簾斜捲晚風前楊柳蕭疎隔岸烟一椽樓臺都近
水向南明月得來先園梅云臘盡還微雪春來尙薄寒
迎風飛片易昔日拆苞難疎蕊閉高閣低枝韵小欄莫
教吹短笛我正倚闌干許性嚴重秦淮小集坐有歌郎
君義形于色將責其無禮而咎之余急揮郎去而調以
詩云惱煞隔簾紗帽客排衙花底打鴛鴦

同試鴻博陳魯章士璠杭州人以諸生中式卽授庶常
途中紀事云月映湖光分外明蘆花影裡一舟橫夜深
聞有鄉音在曉起開篷問姓名

毛西河言古人詩題所云遙同者卽遙和也謝朓同謝
咨議銅雀臺詩盧照鄰同紀明孤雁詩皆是和詩非同
游也

見吳小仙畫騎驢圖題云白頭一老子騎驢去飲水岸
上蹄踏蹄水中嘴對嘴顧赤芳題云張果倒騎驢不知
是何故爲恐向前差忘却來時路慶兩峯落齒云無端
一齒落探口不知故且喜剛者亡免與世齟齬

乙亥年高文端公爲江寧方伯過訪隨園余上詩云鄰
翁爭羨高軒過上客偏憐小住佳亡何巡撫皖江將贖
園牡丹移贈隨園余謝云忘尊偏愛山林客贈別還分

富貴花兩詩俱以摺扇書之後戊子年公總制兩江招
飲席間出二扇宛然如新余問公何藏之久也公笑曰
才子之詩敢不寶護余自念平日受人詩扇不下千百
都已拉襍摧燒而公獨能愛惜如此不覺感嘆因再作
詩獻有句云舊物尙存憐我老愛才如此嘆公難後公
薨于黃河工所口吟云夢中還有夢家外豈無家

張葯齋宗伯 予告還桐城兄文和公爲首相作詩送
云七十懸車事竟成輕車遠稱秩宗清幾人引退能如
願先我歸休覺不情圖書開緘珍手澤墓田作供好躬
耕阿兄他日還初服拄杖花前一笑迎周長發太史和

云從古人倫重老成秩宗真不愧寅清引年久切歸田
志子告翻增懸 闕情萬卷縑緗藏古篋一犁烟雨課
春耕龍眠山色春如黛知有羣仙抗手迎清真綿麗一
時和者皆不能及

乾隆癸酉尹文端公總督南河趙雲松中翰入署見案
上有余詩冊戲題云八扇天門詖蕩開行間字字走風
雷子才果是真才子我要分他一斗來

先師史玉瓚先生以硃筆書僕固懷恩傳後云懷恩本
不負君恩青史何曾炤覆盆萬里靈州荒草外至今夜
更泣英魂余時七歲偷讀而記之

余紹祉布衣有黃山詩四首警句云松生絕壁不知土
人住深厓只見烟又曰山中人習聞天樂石上松曾見
古皇余遊黃山至佳處嘆其言之果然

余過蘇州許穆堂侍御極夸方大章名燮者之詩蒙以
詩詩見投七古學少陵頗有奇氣七律似明七子錄其
題內子桃源放舟小照云碧桃灣裡聽鳴榔水複山重
路渺茫過此便爲仙世界來時還著嫁衣裳雲中雞犬
應同聽月下房櫳好對床願種秫杭三十畝畫眉牕下
話羲皇尹文端公有紫駟馬騎三十年矣憐其老斃以
做帷瘞之穆堂弔以詩云萬里雲霄空悵望一生筋力

盡馳驅又曰朽骨漫留賢士口徹帷應念主人恩尹公
讀之泣下

人閉居時不可一刻無古人落筆時不可一刻有古人
平居有古人而學力方深落筆無古人而精神始出萍
望張宏勛名棟自號看雲山人工詩善畫與余在長安
有車笠之好同譜中如沈椒園張少儀曹麟書俱顯貴
莊容可官至大學士而宏勛終不一第晚依揚商汪怡
士以終有看雲樓詩集闡怨云鏡臺寂寂掩芳塵又換
深閨一度春除却殷勤花上鳥他鄉應少勸歸人郊外
云春來是處足春遊風轉長堤草色柔客過不須頻勒

馬花扶人影出牆頭

余有汪甥蘭圃名庭萱亦能詩爲貧所累未盡其才有
句云湖落岸從洲外露風高雲向嶺頭平又楊柳護田
蒙綠霧桃花隔水墜紅雲皆妙

余在端州豐川令彭翥字竹林雲南人以詩來見有句
云一官手板隨人後萬里鄉心入雁先余擊節不已竹
林喜見贈云盛世歲星終執戟南華隱吏有隨園雲裏
筠才雙足峙鷗邊舫已萬花扶

高要令楊國霖蘭坡作吏三十年兩膺卓薦倂兀不羈
與余相見端江東修之餽無日不至聞余遊羅浮歸乞

假到鼎湖延候以詩來迎云山麓翠樹秀色殊如何海

內姓名無全憑大雅如椽筆為我湖山補道書道書海內洞天

二十四福地三十六鼎湖不與焉杖履閒從天上來教人喜極反成猜

飛騎為報湖山桂不到山門不許開及余歸時送至十

里外臨別泣下口號云送公自此止思公何時已有淚

不輕彈恐溢端江水

余丙辰到廣西蒙金撫軍薦入都今五十年矣因訪親

家汪太守故重至潯吳樹堂中丞垣引余至署周歷舊

遊余席間稱金公在藩司時作官廳對聯云坐此似同

舟宦情彼此關休戚須臾參大府公事何妨共酌商用

意深厚有名臣風味公因誦其鄉人徐公士林作臬司
題庭柱云看堦前草綠苔青無非生意聽牆外鶻啼雀
噪恐有冤魂真仁人之言樹堂見和一律有洞簫聲重
三千玉銅鼓詞傳五十春之句所云銅鼓者丙辰余試
鴻博賦題也金公刻入省志藝文類中今五十載矣重
得披覽恍若前生

桂林向有詩會李松圃比部馬嶸山中翰浦柳愚山長
朱心池明府朱蘭雪布衣時時分題吟咏余到後得與
文酒之會同訪名山古剎臨行時五人買舟相送依依
不捨見贈篇什不能盡錄僅記心池云五十年前跨鶴

行重來無復舊同羣一囊新句千絲雪萬壑青山兩屐
雲好古不求唐後碣論文誰撼岳家軍靈犀健筆漁洋
句才力輸公尙十分卅載心驚絕代才何緣杖履得追
陪文章真處性情見談笑深時風雨來一櫂方回仙掌
外片帆又挂楚江隈湘靈也解延名士九面奇峯次第
開柳愚云筋力登臨老尙優每逢佳處輒勾留誰能鶴
髮六千里來證鴻泥五十秋舊事略知餘白足僧明遠能談金
中丞遺事殘碑儘擗付蒼頭聞公欲挂湘帆去又向衡山作
勝遊蘭雪云六朝偶戀烟花迹一代先收翰墨助

松圃父丹臣先生少貧以筆一枝傘一柄至廣西不二

十年致富百萬松園詩才清絕不慕顯榮父子皆奇士
也曉行云矇矓曙色噪歸鴉風撼疎林一徑斜滿地白
雲吹不起野田蒼麥亂開花蘆荻飛花白滿汀停車小
憇水邊亭前林一綫炊烟起畫斷遙山半角青秋思云
涼笛聲兼風葉下歸鴉影帶夕陽來

余試鴻詞報罷蒙歸安吳小眉少司馬最爲青盼五十
年來其家式微今年遊粵東過飛來寺見先生題詩半
山亭云西徑崎嶇上東峰宛轉行半山山過半飛鳥一
身輕讀之如重見老成眉宇先生諱應棻弟諱應枚其
封君夢蘇眉山兄弟而生故一字小眉一字小穎小眉

巡撫湖北平反麻城冤獄爲海內所稱小類亦官至禮部侍郎

李懷民與弟憲橋選唐人主客圖以張水部賈長江兩淚爲主餘人爲客遂號所咏爲二客吟懷民贈人益桂云送花如嫁女相看出門時手爲拂朝露心愁掃遠枝送張明府云在縣常無事還家只有身隨行一舟月出送滿城人憲橋咏鶴云縱教就平立總有欲高心不辭臨水久祇覺近人難歷下廳云馬糞侵阜雪吏掃過堦風送流人云再逢歸夢是數語此生分二人果有賈張

風味

余過大庾邑宰袁鏡伊歘然相接自言傾想者三十年
同遊了山又親送過梅嶺自誦雪詩云遠近枝橫千樹
玉往來人負一身花贈人云雪調靜聽孤唱遠雲程遙
望 痕青木藉宜化故有句云山排雲朔從天下水合
柔瀉入地無皆佳句也鏡伊名錫衡乙酉孝廉有勛貴
過境儻從毆傷平民鏡伊縛置獄中取保辜限狀嗣後
過者肅然

山左朱海客先生名承煦素無一面忽遣人投書署云
上天下大才子某余感其意過京口時訪于海岳書院
先生已七十矣留飲再四余因風揚帆不克小住未半

年先生竟歸道山又六年遇其子巒坡于廣州急索乃翁詩稿得示內二句云剪刀聲歇栽花後井曰功餘問字初

余病廣州樂昌令吳公世賢每公事稍暇必至牀前問訊余愛其詩筆清麗可作陳琳之檄咏釣竿云淇園籜籜折新枝人到忘機鷗鷺知風雪寒江應憶我英雄末路悔拋伊羽扇云常使指揮天下事不羞憔悴月明中皮蛋云個中偏縹雲霞彩味外還餘松竹烟吳號古心松江人

海陽令邱公學劬聞余到端州即馳書與香亭必欲一

見果不遠千里假公事到省暢談竟日餽遺殊厚記其
佳句云山連齊魯青難了樹入淮徐綠漸多

魚門太史于學無所不窺而一生以詩爲最余寄懷云
平生絕學都參徧第一詩功海樣深寄未一月而魚門
自京師信來亦云所學惟詩自信不謀而合可謂知己
自知心心相印矣屢托余買廬金陵爲結鄰計不料在
廣州孫補山中丞招飲告以魚門歿于陝西畢撫軍署
中彼此泣下銜杯無懽因思畢公一代宗工必能收其
遺稿然魚門所刻齋園集僅十分之三耳記其未梓者
書懷云才難問生產氣不識金銀題阮吾山行卷云無

勞嘆行役行役是閒時對雪云開市收聲歸聞寂虛堂
歛抱對寒清乞假云官書百卷從擔去病牒三行有印
鈴嗚呼此乾隆三十五年假歸寓隨園以近作見示而
余所抄存者也不意竟成永訣

余戊午秋闈與錫山李君時乘同寓馬姓家同登秋榜
垂五十年今歲在粵東其子邕來見訪出詩見示錄山
居二首云一從疎世事終日把犁鋤邨色牛羊外秋砧
水石餘山深遲刈麥潭冷不生魚倘有詩人至猶堪剪
韭蔬閒雲上小樓落日林塘幽溪雨蛙聲聚山風榭葉
秋一夔方朔米卅載晏嬰裘便欲烟霞外將身作隱侯

余宰江寧時侯君學詩葦原年十四應童子試後夏醴
谷先生屢稱其能詩終未見也今宰新會余往相訪同
遊圭峰望海讀其詩長于古風蓋深于杜韓蘇三家者
佳句云綠遮人外柳紅落渡前花狂藥看人頻動色樽
蒲到老不知名

風情之事不宜于老然借老解嘲頗可強詞奪理康節
先生妓席云花見白頭花莫笑白頭人見好花多余傲
其意云若道風情老無分夕陽不合照桃花方南塘六
十歲娶妾云我已輕舟將出世得君來作挂帆人

余幼居杭州葵巷十七歲而遷居五十六歲從白下歸

重經舊廬記幼時遊躍之場極爲寬展而此時觀之則
湫隘已甚不知髮者何以居之恬然也偶讀陳處士古
漁詩曰老經舊地都嫌小晝憶兒時似覺長乃實獲我
心矣

掌科丁田澍先生乞假歸留別都人云亦知對菲才無
棄其奈桑榆影漸低論事偶然分洛蜀交情原自比雷
陳曉鐘催去朝天客過巷車聲枕畔聽皆妙

蘇州繆孝廉之惠妻王氏咏馬云死有千金骨生無一
顧人漫興云天有風雲常欲暮山無草木不知秋

桐城馬相如山陰沈可山少年狂放路逢親迎者不問

主人直造其家索紙筆替新婦催妝云江南詞客太翩
跹打鼓吹簫薄暮天應是夫孫今夕嫁碧空飛下雨雲
仙隨郎共枕心猶怯別母牽衣淚未乾玉筯休教褪紅
粉金蓮燭下有人看娶婦家頗解事讀之大喜飲以玉
爵各贈金花一枝

余最愛言情之作讀之如植子野聞歌輒喚奈何錄汪
可舟在外哭女云遙聞臨逝語堪哀望我殷殷日百回
死別幾時曾想到歲朝無路復歸來絕憐艱苦爲新婦
轉幸逍遙入夜臺便卽還家能見否一棺已蓋萬難開
過朱草衣故居云路繞叢祠鳥雀飛依然門巷故人非

憶尋君自初交始每渡江無不見歸問疾榻前纔轉盼
談詩牕外剩斜暉絕憐童僕相隨慣未解存亡欲扣扉
沙斗初經亡友別墅云千石魚陂古水鄉四時烟景助
清光弟兄不隔東西屋賓主無分上下床鬪酒幾番當
皓月題詩多半在修篁今朝獨棹扁舟過回首前歡墮
渺茫厲太鴻送全謝山赴揚州云生來僧祐偏多病同
往林宗又失期兩點紅燈看漸遠暮江惆悵獨歸時王
孟亭歸興云漫理輕裝喚小舸何緣歸興轉蕭騷老來
最怕臨歧語燈半昏時酒半消宗介颺別母云垂白高
堂八十餘龍鍾負杖倚門闈泣惟張口全無淚話到關

心只望其婦送夫云君且前行莫回顧高堂有妾勸
加餐

壬辰年王光祿禮堂來白下訪江寧令陸蘭村予問有
新詩否光祿書贈內云幾載東華不自聊綠牕並坐感
蕭騷寒闌力尺陪宵讀瓦鼎茶湯候早朝馬磨勞生還
憶共犬臺殘魄可能招却啞割肉容臣朔但把清齋學
細腰一室流塵王漏窮更闌深掩小房權何妨攷誕時
卿壻聽唱風波欲惱公天畔登樓長客裏燈前擁髻只
愁中一龕低處雙栖穩雪北香南結託同又從圍句云
日占戊好軍容壯壯奉辰多典禮借霜濃牛馬通身白

林逋烏鴉閉口啼一用毛詩一用北史俱典雅

安慶詩人以二村爲最一李嘯村慈一魯星村瓊簪五
言如久客神常倦還家似在舟鳥散雪辭竹烟消山到
門風竹不留雪冰池時集鴉七書如舟行忽止水初合
牕暗還明月未沉避雪野禽低就屋忘機小鼠漸親人
皆可誦也又雀浴乘冰缺五字亦佳

嘯村工七絕其七律亦多佳句如馬齒坐叨人第一蛾
眉牕對月初三賣花市散香沿路踏月人歸影過橋春
景未成翻愛冷家書空寄不妨遲皆獨寫性靈自然清
一備以雕巧輕之豈知劍根人正當飲此聖藥耶乾

隆丙寅觀補亭閣學科試上江黜名至嘯村笑曰久聞
秀才詩名此番考不必作四書文作詩一首可也題是
賣花吟李有句云自從賣落行人手瓦缶金尊插任君
又曰自笑不如雙粉蝶相隨猶得入生門閣學喜拔置
一等

朱竹君學士督學皖江任滿余問所得人才公手書姓
名分爲兩種樸學數人才華數人次日卽率黃秀才名
戊字左君者來見美少年也其京邸夜歸云入城燈市
散有客正還家新僕欲通姓嬌兒不識爺春光滿茅屋
喜氣上燈花乍見翻無語徘徊月正華七言如小艇自

流初住而被衣難受嫩晴風殊有風流自賞之意

乾隆丙辰予于李敏達公處見厲子大先生時爲少司
寇以家宰文恭公之子未弱冠卽入翰林詩才清妙歲
除和韻云一年清課爲花忙無事花間倒百觴日落歸
鴉噓古木家貧饑鶴唳空倉楸枰靜設遲棋客綵筆吟
成和省郎官柳未黃桃已爛春風早晚亦何嘗獨酌云
萍分雲散故人離尊酒應憐獨酌時夜漏漸沉燒燭短
殘書未了引眠遲羅江春信益梅報紙帳宵寒鶴夢知
皎皎庭除餘落月屋梁相照此心期

金陵曹淡泉秀才以一夕春風煖吹紅上海棠一聯爲

予所賞遂刻意爲詩贈妹云吾妹何賢淑能箴女史詞
倩人教織素隨嫂學烝梨母病繙經早家貧得壻遲天
然必愛好常誦阿兄詩繖山道中云南陌草萋萋新秋
插未齊投村先問路隔隴但聞雞壩斷溪聲急山高日
影低夜來經雨過牛跡滿荒堤他如老牛舐犢沿修堦
雛燕分巢過別家歲逢閏月春來早山背朝陽雪化遲
俱妙

桐城劉大槐耕南以古文名家程魚門讀其全集告子
曰耕南詩勝于文也聽琴云香臺初上日檐鐸受風微
好友不期至僧廬同叩扉彈琴向佛坐餘響人雲飛余

亦忘言說鳥棲猶未歸獨宿云江村黃葉飛猶掩蕭齋
臥時有捕魚人檣聲牕外過真清絕也哭弟云死別漸
欺初日諾長貧難作託孤人

蘇州孝廉薛起鳳字皆三性孤冷亡後彭尺木進士爲
梓其遺詩過范文正公祠云憂樂平生事蠶鹹志在斯
由來天下任只在秀才時對雪云天風剪水水爭飛飛
上寒山澣石衣一夜雪深迷磻道不知何處叩巖扉

金陵龔秀才元超字旭開余詩弟子也月夜云江水洗
江月荻花寒不飛林園足烟景屋宇湛霜輝戍角宵將
半溪船漁未歸沿堤采芳芷似勝北山薇送從兄酌泉

夜歸云前番不識路聞語碧蘿叢此次逢招飲啣杯紅
葉中山深花木好客妙性情同歸路誰先醉應扶白髮
翁漁家云輕縠紋生玉潑斜晚風吹雨濕桃花紅裙雙
腕急搖櫓前面垂楊是妾家

杭州吳飛池學詩于樊榭先生先生愛其紅蓼花深冷
葛衣一句謂可鐫入印章其澶州雜詩云晨光黯黯樹
稀微雲帶炊烟濕不飛多少人家秋色裏滿天白露漫
柴扉過洛陽問牡丹云花濃洛下種應真我邾來時不
是春到耳盡跨顏色好未開先賞斷無人他如林間一
鳥過池面數花欹岸仄疑無路燈明似有村曉月光微

難辨樹西風吹冷不知衣皆清脆可喜

余祖居杭州艮山門內大樹巷鄰有隱者柔文侯鬻粽
爲業性至孝父病膈文侯合羊脂和粥以進父死乃抱
鐺而哭人爲繪抱鐺圖徵詩萬君光泰詩最佳其詞曰
羊脂數合米一匊病父在床惟噉粥父能噉粥子亦甘
粒米勝于五鼎肉升屋舉某無歸魂束薪斷火鐺寡恩
牀前呼父鐺畔哭抱鐺三日鐺猶溫一吐恨身不作鐺
中米臨歿猶能進一一謂鐺不聞鐺有耳

文侯之子駿甫先生性孤癖能步行百里棄主事官裏
糧遊五岳留別袁石峰云莫定畸人物外踪夢魂飛入

丹霞重浮雲形似世情幻秋樹色添遊興濃白練橫過
天際馬烏藤直上嶺頭龍憑將一斗喇糜汁酒遍天門
日觀峰過華山云華山門下雨盈盈玉女秋期會玉京
十萬雲鬟梳洗罷慢空盆水一齊傾嵩洛雜詩云纖梁
大小石縱橫似步空廊屨有聲世外多情、明月直陪
孤影到三更非深于遊山者不能言先生名調元

姬傳姚太史云詩文之道凡志奇行者易爲出傳庸德
者難爲巧理固然也然亦視其人之用筆何如耳吾族
柳村有側室韓氏年逾二十卽守卽教子居竹柏樓十
五年而卒子又愷請旌于 朝又善樓居圖志痛尸時

士大夫咏其事者如雲號霜哺道音集此庸行也糸獨
愛少詹錢辛楣七古云郊居岑蔚竹栢交秋霜轆物羣
英周小樓一燈青不搖課兒夜誦聲伊咬柳村嶽嶽古
英豪山邱華屋如驚泡淑姬寤言矢絡宵手持刀尺敢
憚勞離鸞別鵠哀弦操可憐荻影風蕭蕭能九茹苦勝
珍肴湛侃復見良足褒詩看 紫詰慶所遭烏頭綽模
榮光高何圖蕙草謝一朝樓存人去魂難招郎君玉立
森蘭茗春暉未報心切切音徽追溯倩畫描披圖展拜
恒號咷我爲歌咏輝風 又無錫進士顧鈺五律第二
首云非擬懷清築蕭然坐一林竹森環戶翠栢古落庭

陰晝荻慈親志登樓孝子心當年紡績處傾聽有遺音
柳村名永涵蘇州人